

Na osnovu člana 5. Zakona o privatizaciji preduzeća ("Službene novine Federacije BiH", br. 27/97 i 8/99), Vlada Federacije Bosne i Hercegovine donosi

**UREDBU  
O DOPUNI UREDBE O REVIZIJI PRETHODNO IZVRŠENE VLASNIČKE  
TRANSFORMACIJE**

**Član 1.**

U Uredbi o reviziji prethodno izvršene vlasničke transformacije ("Službene novine Federacije BiH", broj 1/98), u članu 13. iza stava 3. dodaju se novi st. 4 i 5 koji glase:

"Kod preduzeća kod kojih do dana stupanja na snagu ove uredbe nije doneseno rješenje o rezultatima revizije, revizijom će se obuhvatiti i promjene u vrijednosti i vlasničkoj strukturi kapitala nakon 31.12.1997. godine. Pored knjigovodstvene vrijednosti i vlasničke strukture kapitala po stanju na dan 31.12.1991. i 31.12.1997. godine, zapisnik o izvršenoj reviziji i rješenje o rezultatima revizije kod preduzeća iz ovog stava obavezno sadrže i podatke o knjigovodstvenoj vrijednosti i vlasničkoj strukturi kapitala po stanju na dan posljednjeg obračuna koji je sačinjen do momenta okončanja revizije, a nalozi za ispravke se daju u odnosu na bilans stanja po tom obračunu.

Preduzeća kod kojih je prije dana stupanja na snagu ove uredbe doneseno rješenje o rezultatima revizije i utvrđena knjigovodstvena vrijednost i vlasnička struktura kapitala po stanju na dan 31. 12. 1997. godine, sve promjene u vrijednosti i strukturi kapitala nakon 31. 12. 1997. godine dužna su obrazložiti u toku postupka pripreme i usvajanja početnog bilansa preduzeća".

**Član 2.**

Ova uredba stupa na snagu osmog dana od dana objavljivanja u "Službenim novinama Federacije BiH".